



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422;
fax. +387 33 726 423
e – mail: info@voda.ba

Broj: **UP-1/21-3-40-284-6/24**
Datum: **10.07.2024. godine**

„Agencija za vodno područje rijeke Save“ Sarajevo rješavajući po zahtjevu investitora Mešanović (Muhamed) Ramo iz naselja Gračanica bb, Grad Živinice za donošenje rješenja o vodnoj dozvoli za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada postrojenja za proizvodnju betona i betonske galanterije sa pratećim sadržajima, kapaciteta od 18 m³/h, lociranog u industrijskoj zoni na lokaciji u Ciljugama, Grad Živinice, na osnovu člana 139. stav (1) tačka 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 49/99 i 61/22),
donosi

RJEŠENJE **o vodnoj dozvoli**

1. Investitor Mešanović (Muhamed) Rami iz naselja Gračanica bb, Grad Živinice daje se vodna dozvola za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada postrojenja za proizvodnju betona i betonske galanterije sa pratećim sadržajima, kapaciteta od 18m³/h, izgrađenog na parceli označenoj kao k.č. 645/289 K.O. Kovači, lociranog u industrijskoj zoni na lokaciji u Ciljugama, Grad Živinice.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu, pod slijedećim uslovima:
 - 3.1. Da se izvođenje radova na prostoru postrojenja za proizvodnju betona vrši u skladu sa uobičajenom praksom za ove aktivnosti, te u skladu sa uslovima iz ove vodne dozvole.
 - 3.2. Da se objekti čija je svrha odvođenje i prečišćavanje onečišćenih voda (betonski taložnici, betonski kanali i slivnici, pumpni sistem za recirkulaciju, kanalizaciona mreža i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.3. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.4. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.
 - 3.5. Da se istrošena ulja, nauljene krpe i sav otpad koji će nastati na prostoru postrojenja za spravljanje betona i betonske smjese, redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

5. U periodu važenja ove dozvole, pravno lice je dužno provoditi sve mjere i aktivnosti propisane istom.
6. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog poslovnog objekta obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
9. U ovoj upravnoj stvari plaćena je upravna pristojba.
10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja
11. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Investitor Mešanović (Muhamed) Rami iz naselja Gračanica bb, Grad Živinice obrato se ovoj Agenciji sa zahtjevom za donošenje rješenja o vodnoj dozvoli za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada postrojenja za proizvodnju betona i betonske galanterije sa pratećim sadržajima, kapaciteta od 18 m³/h, izgrađenog na parceli označenoj kao k.č. 645/289 K.O. Kovači, lociranog u industrijskoj zoni na lokaciji u Ciljugama, Grad Živinice.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

A. Opća dokumentacija

- Ovjerena kopija lične karte na ime Mešanović Ramo izdata od strane MUP Tuzlanskog kantona – ovjerena kopija,
- Rješenje o odobrenju za građenje, broj:04/3-19-107/2023 od 20.01.2023. godine izdato od strane Službe za urbanističko planiranje, komunalne, geodetske i imovinsko-pravne poslove Grada Živinice - kopija,
- Rješenje o odobrenju za upotrebu, broj:04/3-19-1650/2023 od 23.03.2023. godine izdato od strane Službe za urbanističko planiranje, komunalne, geodetske i imovinsko-pravne poslove Grada Živinice - kopija,
- Obavijest broj:12/1-19-020017/22 od 02.09.2022. godine izdata od strane Ministarstva prostornog uređenja i zaštite okolice Tuzlanskog kantona kopija,
- Saglasnost za priključak na vodovodnu i kanizacionu mrežu, broj:04-848-2/22 od 15.08.2022. godine izdata od strane JP „Vodovod i kanalizacija“ d.o.o. Živinice – kopija,
- Rješenje o urbanističkoj saglasnosti, broj:04/11-19-4598/2022 od 28.11.2022. godine izdata od strane Službe za urbanističko planiranje, komunalne, geodetske i imovinsko-pravne poslove Grada Živinice - kopija,
- Dokaz o uplaćenju federalnoj upravnoj pristojbi na zahtjev

B. Tehnička dokumentacija

- Glavni projekat prikupljanja, tretmana i ispuštanja otpadnih voda sa lokacije poslovnog objekta-proizvodno-magacinska hala sa postrojenjem za proizvodnju betona, betonara urađen od strane „Atrius projekt“ d.o.o. Živinice, broj:I-144-06/24, juni 2024. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari. U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22) izvršen je uviđaj na prostoru proizvodnog pogona betonare, investitora Mešanović (Muhamed) Rami iz naselja Gračanica bb, Grad Živinice i tom prilikom sačinjen Zapisnik o izvršenom uviđaju broj: UP-1/21-3-40-284-4/24 od 05.07.2024. godine.

Na osnovu dostavljene dokumentacije, izvršenog uviđaja na licu mjesta utvrđeno je sljedeće:

- Objekat je izgrađen u industrijskoj zoni, u Ciljugama, Grad Živinice, tj. na parceli označenoj kao: k.č. 645/289 K.O. Kovači.
- Funkcija objekta je proizvodnja svježe betonske mase, proizvoda od betona i skladištenja gotovih proizvoda.
- Ispod površine silosa su postavljeni rezervoari za vodu koji su međusobno spojeni i funkcionišu kao sistem spojenih posuda tj. rezervoari za vodu su kapaciteta $Q = 2 \times 10,0 \text{ m}^3$. Na predmetnom objektu izgrađena su i dva taložnika. Koncipiran je način kružnog toka vode tj. voda koja se koristi pri pranju betonare, platoa i miksera ispušta se u taložnik, gdje se pijesak taloži na dno a voda preko preliva (taložnik 1- zapremine $V = 2,47 \text{ m}^3$ i taložnik 2-zapremine $V = 2,0 \text{ m}^3$) ponovo vraća preko pumpe u rezervoare za vodu, gdje se ponovo koristi za potrebe spravljanja betona-sistem recirkulacije vode.
- Predmetni objekat se snabdijeva sa svježom vodom iz gradske komunalne mreže kojom upravlja JP „Vodovod i Kanalizacija“ d.o.o. Živinice.
- Cijela količina sanitarno – fekalnih otpadnih voda se prikuplja posebnim kanalizacionim sistemom te odvodi u gradsku kanalizacionu mrežu prema izdatoj saglasnosti.
- Sve radne površine na kojim nastaju oborinske onečišćana vode (prilazni plato/plato za pranje betonare) je izveden od vodonepropusnog betona sa podužnim i poprečnim padovima prema taložniku.
- Na predmetnom lokalitetu ne vrši se skladištenje nafte i nafnih derivata.
- Na predmetnom lokalitetu ne vrši se popravke niti servisiranje mehanizacije.
- Na predmetnom lokalitetu ne nastaju tehnološke otpadne vode koje se ispuštaju u okoliš ili sistem javne kanalizacije.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je investitor Mešanović (Muhamed) Ramo iz naselja Gračanica bb, Grad Živinice ispunio minimum uslova za izdavanje vodne dozvole za za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada postrojenja za proizvodnju betona i betonske galanterije sa pratećim sadržajima, kapaciteta od $18 \text{ m}^3/\text{h}$, izgrađenog na parceli označenoj kao k.č. 645/289 K.O. Kovači, lociranog u industrijskoj zoni na lokaciji u Ciljugama, grad Živinice, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.
Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

mr Selma Merdan, dipl.inž.geol.

Prilog: Tehnička dokumentacija navedena pod tačku B obrazloženja rješenja

Po ovlaštenju
Rukovodilac sektora za izdavanje vodnih akata



Nihad Pezo, dipl. inž. građ.

Dostaviti:

- Ramo Mešanović
- Gračanica bb 75270 Grad Živinice, (sa prilogom),
- AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava